

- Ugovorni organ:** JU "Fond Memorijala Kantona Sarajevo" (skraćen naziv: **Fond Memorijala**), sa sjedištem u Sarajevu, ul. Širokac 22., Kovači, koga zastupa v.d. direktora Mirsad Delalić, dipl.soc.rad. (u daljem tekstu: **Ugovorni organ**)
- Dobavljač:** **Adriatic osiguranje d.d.**, ul. Trg Međunarodnog prijateljstva br.20, Novi Grad, Sarajevo, koga zastupa direktor Podružnice Hujić Alen, (u daljem tekstu: **Dobavljač**)
- Osiguranik:** Lica/zaposleni iz Fonda Memorijala (dvadesetčetvorosatno) za 2020. godinu

Zajednički naziv za **Ugovornog organa i Dobavljača** je **UGOVORNE STRANE**.

zaključili su u Sarajevu, dana 14.04.2020.godine

U G O V O R

usluga kolektivnog osiguranja zaposlenih Fonda Memorijala za 2020. godinu

I PREDMET

Član 1.

Predmet ovog Ugovora su 24- satne usluge kolektivnog osiguranja zaposlenih u Ugovornom organu za 2020. godinu, u skladu sa prihvaćenom ponudom Dobavljača, broj: 22/20 od 19.02.2020. godine i prema cijenama nakon obavljenog postupka e-aukcije dana 03.03.2020. godine.

Ukupan broj lica koja će biti obuhvaćena osiguranjem je 80 (osamdeset) na osnovu broja uposlenih predviđenih Budžetom za 2020.godinu, s tim da će ponuđač obezbjediti osiguranje, pod istim uvjetima i za veći i za manji broj lica od navedenih u TD ukoliko za vrijeme trajanja ugovora o osiguranju dođe do povećanja, odnosno smanjenja broja lica.

Osiguranje zaposlenika zaključuje se za period 01.03.2020.-01.03.2021.godine, sa osiguravajućim pokrićem kako za vrijeme rada tako i u slobodno vrijeme, tokom 24 sata bez vremenskog i prostornog ograničenja.

Premija osiguranja se plaća najkasnije 30 /trideset/ dana od dana ispostavljanja fakture, a prema prijavljenom broju zaposlenika za svaki mjesec posebno.

II VRIJEME TRAJANJA UGOVORA

Član 2.

Ugovor stupa na snagu danom potpisivanja obje ugovorne strane i primjenjuje od 01.03.2020. godine do 01.03.2021 godine.

III UGOVORENE CIJENE

Član 3.

Kolektivno osiguranje lica iz člana 2. ovog Ugovora pokriva dvadesetčetvorosatno osiguranje na osiguranu sumu 93.000,00 KM gdje mjesečna premija po zaposleniku iznosi 5,00 KM.

IV OBAVEZE UGOVORNOG ORGANA

Član 4.

Ugovorni organ se obavezuje da će Dobavljaču mjesečno dostavljati spisak uposlenika za koje će se plaćati premija osiguranja najkasnije 30 /trideset/ dana od dana ispostavljanja fakture.

V OBAVEZE DOBAVLJAČA

Član 5.

Dobavljač se obavezuje da će prihvatiti u osiguranje sve osiguranike od strane Ugovornog organa iz člana 2. ovog Ugovora.

Član 6.

Po prijemu broja osoba u skladu sa članom 4., od strane Ugovornog organa, Dobavljač će dostaviti račun (fakturu), za vremenski period za koji je dobio brojno stanje.

Član 7.

U cilju ostvarivanja prava iz Ugovora o osiguranju od posljedica nesretnog slučaja (nezgode) za sve osobe navedene u skladu sa članom 2. na koje se osiguranje i odnosi, Dobavljač će dostaviti Ugovornom organu spisak svih objekata po opštinama koje pokrivaju na teritoriji Bosne i Hercegovine, radno vrijeme, adresu i kontakt telefon odgovorne osobe.

VI VRIJEDNOST UGOVORA

Član 8.

Ukupna vrijednost svih predmetnih usluga iz ovog ugovora iznosi:

2.517,00 KM

(slovima: dvijehiljadepetstotinasedamnaest i 00/100 KM).

VII NAČIN I ROK PLAĆANJA

Član 9.

Plaćanje ugovorenih usluga vršit će se na osnovu ispostavljenih faktura u roku od 30 (trideset) dana od dana nastanka DPO.

VIII ROK ISPLATE ZA NASTALU OSIGURANU ŠTETU

Član 10.

Za osigurana lica Dobavljač će izvršiti isplatu za nastalu osiguranu štetu u roku 7 (sedam) dana po kompletiranju dokumentacije.

IX TAJNOST UGOVORA

Član 11.

Ugovorne strane su dužne sadržaj ovog Ugovora, podatke koji budu dostavljeni Dobavljaču u skladu sa članom 2. i 3., i sva druga dokumentacija koja proizilazi ili je na bilo koji način vezana za ovaj Ugovor, tretirati kao službenu tajnu i u tom smislu preuzimanju punu moralnu, materijalnu i krivičnu odgovornost.

X RJEŠAVANJE SPOROVA

Član 12.

Ukoliko ugovorne strane ne postignu sporazumno rješenje, za rješavanje spora mjerodavan je Sud u Sarajevu.

XI PRELAZNE I ZAVRŠNE ODREDBE

Član 13.

Ukoliko dođe do promjene mjesečne premija osiguranja iz člana 3. Ugovora, usljed promjene zakonskih propisa potpisati će se novi ugovor sa Dobavljačem, uz obavezu Dobavljača da o naprijed navedenim promjenama blagovremeno pismenim putem obavijesti Ugovorni organ.

Član 14.

Za sve ostalo što nije predviđeno ovim Ugovorom primjenjivat će se Zakon o obligacionim odnosima.

Član 15.

Ugovor stupa na snagu danom potpisivanja obje ugovorne.

Ovaj Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Član 16.

Ugovorne strane saglasno izjavljuju da su ugovor pročitale, razumjele i da ugovorene odredbe u svemu predstavljaju izraz njihove stvarne volje.

**ZA UGOVORNI ORGAN
V.D. DIREKTOR-a
Mirsad Delalić, dipl.soc.rad**



**ZA DOBAVLJAČA
DIREKTOR PODRUŽNICE
Hujć Alen**



Broj: 13-03-01-MD/45-76/20
Sarajevo, 14.04.2020. godine

Broj: 20533197
Sarajevo, 14.04.2020.

